

永樂別錄

永樂別錄序

洪武開域本埒漢唐永樂紹基更爲恢擴野人海西建州諸部置衛所者輒逾數百交趾九真復爲郡縣緬甸木邦八百孟艮老撾大古刺之屬皆列土司西域西藏通使通貢鄭和之西且至天方亦云盛矣北征之遐圖拉闊灤皆所親歷飲馬

今克魯倫河

玄冥

今呼倫泊

且賜河名

秦皇以來實所未有洪熙不壽宣德姑息交趾開平先後讓棄永樂本言經營應昌豈于潢洛轉不措意中道崩殂年壽之紀遠遜康乾大寧之荒蓋年爲之非真棄也光緒之季改官京曹明方鎮表多方補輯叔王先生慨假實錄得之狂喜涉邊事者每爲錄出要任除罷亦增列焉實錄明言東北司衛置官三百直西部落重譯來附固非虛誇所可憾者諸邊右武不置守令南交征斂殊近繁苛貽患蹙國或亦由此使竟其志復崇寬大邊域建置超漢軼唐其可知已光緒戊申孟夏江寧吳廷燮

永樂別錄卷一

江寧吳廷燮輯

洪武三十五年七月壬午告祀天地於南郊 癸未修周齊二王府

宮殿 薛鵬河南都指揮使 福建都指揮鄭祥右軍都督僉事

陳瑛左副都 甲申吏部言建文中改舊官制俱速改復舊制

設靖江王府諮議所諮議一記室一從七品奉祠典膳各一正

九品 命右軍都督僉事鄭祥充總兵官鎮守雲南雲南都指揮

使盧旺充左副總兵 禮部侍郎董倫致仕 大理寺均設評事

丁亥復設都察院十二道 辛卯司禮監請如舊制鑄出入精

微印 癸巳改封吳王允熲爲廣澤王居漳州府衛王允熒爲懷

恩王居江西建昌府徐王允熙爲敷惠王隨母呂氏居懿文陵園

以是日行 甲午革建文所設河北都司湖廣行都司 建文中

所改吏部舊制悉復舊 乙未宣來朝文武官員人等賞格 前

軍左都督李埭枝往荊州整肅兵備 丁酉復設山東東平千戶
所 戊戌復衡山臨安護衛爲瀋陽左右衛 凡天下軍衛建文
所改革者悉復其舊 辛丑進吏部尙書張統戶部尙書王鈍諭
之解職務月給半俸居京師 癸卯命左都督袁宇往四川雲南
整肅兵備 命吳高鎮守陝西 甲辰命前工部尙書嚴震戶部
尙書王鈍應天尹薛王言巡視民瘼 復設牧馬千戶所 乙巳
賜周楚二十一王黃金白金千兩 吏部右侍郎蹇義爲左侍郎
郎中陳明爲右侍郎 戶部右侍郎夏原吉爲左侍郎 兵部
右侍郎古朴爲戶部右侍郎 禮部員外郎宋禮右侍郎 兵部
郎中方賓本部右侍郎 工部尙書鄭暘爲刑部尙書 湖廣按
察使黃信爲右副都 復前戶部尙書郁新工部右侍郎黃福官
命軍機重務以符驗經驛 河南舞陽人王忠作亂南陽衛指
揮王眞擒忠斬之 己酉諭衛所遣給事中等分往閱視凡其境

內山川險易地理遠近悉繪圖進來 設陝西漢中等府黃沙草涼棲梁山三岔白水嘉林硤石清橋武關 山東河十一驛 庚戌命禮部鑄征南征西平羌將軍印

八月壬子遣使以即位詔朝鮮 勅盛庸鎮山東 命都督同知陳用曹達掌山西行都司事左軍都督府左都督劉真鎮守遼東其都司屬衛軍馬聽其節制 甲寅求民間識字婦女充內職 丁巳命悉停天下中鹽專於北平開中金齒楚雄四川鹽井甘州勿停餘悉停之 己未命右軍左都督忻福充總兵官鎮守陝西寧夏等處 命韓觀往江西操練軍馬 定罪人輸作之例 復北平右布政使曹昱官 四川行都指揮同知程達掌四川行都司事 徐諒爲四川都指揮使 徐鑑爲四川行都司都指揮使 火旺爲河南都指揮 葛進由河南掌寧夏衛 癸亥衍聖公孔鑑卒 復設建陽衛杭州前衛 甲子沐晟鎮守雲南 以北平

軍餉不繼命獄囚輸米贖罪給之 丙寅寧國衛指揮同知蔡本
爲浙江都指揮使 增設湖廣藍山縣大橋司左右副巡檢各一
廣東陽山縣西岸星子瓊州府苗山蓮塘廣西忻城縣長安巡檢
司副巡檢各一 征討將士定賞格 己巳調都指揮僉事凌雲
爲遼東都司都指揮僉事 遼東都司言緣邊胡寇竊發不時騎
士乏馬操備遼東行太僕寺舊所易朝鮮馬二千六百餘匹請以
給軍士從之 賜鎮守陝西都督王英鈔一百 壬申鑄靖江王
金寶 乙亥調都指揮使李凱于山東都司 丙子前燕府長史
金忠工部右侍郎 定靖江王府官制改諮議所爲長史司 丁
丑以即位遣使諭和林瓦剌等處酋長 己卯廣西柳州等處蠻
民劫掠

九月壬申陞賞奉天靖難諸將封邱福洪國公等 蹇義吏部尙書
右侍郎陳洽左侍郎 夏原吉戶部尙書 右侍郎古朴左侍郎

郎 兵部左侍郎劉儵尙書 右侍郎方賓左侍郎 禮部右侍

郎宋禮左侍郎 工部右侍郎黃福左侍郎 丁亥以即位詔諭

安南暹羅諸國 戊子吳育山東都指揮使薛脫火赤遼東都指

揮使陳勝陝西買驢廣西王眞四川沈遇江西沈斌福建馬聚北

平童信北平行都司馬璞浙江金玉河南朱英四川行都司陳旺

貴州曹隆雲南王哈喇把都湖廣徐泰福建徐善陝西行都司馬

旺山西歐陽青陝西行都司都指揮使 姜清張璉俱爲遼東都

指揮同知 己丑勅遼王植弟以遼地荒遠經涉海洋餽運爲難

固請改國荊州且以廣寧重鎮就留三護衛於彼以益邊防欲於

荊州別給一衛備使令言之再三卻而復至勉從所請建國荊州

仍舊封號軍衛已令兵部改撥用稱吾弟之意 辛卯賜在京官

員鈔幣 謫工部右侍郎張顯爲江西布政楊珽按察房安戊興

州 壬辰陝西行都司奏回回可古思於寧夏市馬請官市之

工部尙書嚴震直卒 甲午定功臣死罪減祿例 定武官軍士贖罪例 乙未申木鐸教民之令 遣使齎詔撫諭兀良哈大小頭目 命韓觀充總兵官往廣西整肅兵備 追贈王眞金鄉侯分山西太原平陽澤潞遼沁汾丁口實北平仍戶給鈔 丙申修荊州前護衛爲遼王府 戊戌工部左侍郎黃福尙書 己亥命 任青州都司 乙巳移山西行都司諸衛官軍於北平設衛屯種雲川於雄縣玉林於定州高山於保定東勝左於永平右於遵化鎮朔於薊鎮虜於涿定邊於通州其天成陽和宣府前三衛仍復原處 丙午改大同中護衛爲定州衛 己酉製皇后金寶寶用盤龍紐

十月辛丑製奉天征討軍士衣鞋 湖廣鎮遠州蠻夷長官司何惠言本境修治清浪焦溪三槽工費繁重乞令軍民相參修治從之 壬子江西按察僉事周觀政本司按察使 癸丑劉信河南都

指揮使 甲寅定軍士逃亡論罰 復設溧陽縣批驗鹽引所

己未修太祖高皇帝實錄 復阮其彰河南按察使 修西安府

灞橋 改江西布政司治爲寧王府 都督陳質誅 甲子遼東

都指揮司奏九月戊子虜寇犯開原至北門外備禦都指揮吳立
遣指揮莊濟率軍拒之賊退癸巳諜報賊營城外五里濟領軍襲
之賊以衆迎敵指揮張恂李冕棄軍而走賊乘勢直前濟督軍與
戰殺傷相等衛鎮撫張能千戶陳良等九人死之濟被重創督戰
益力賊敗去 丙寅陞陝西右參政戚存心禮部右侍郎 陝西

按察使師遠兵部右侍郎 副使王平左僉都 命顧成鎮貴州

改肅府護衛爲莊浪衛 定北平守城功賞 以守城功賞遼

東都指揮僉事徐剛銀三十兩絲幣四表裏 鈔三千錠 戊辰

河南都指揮僉事徐勳呂均本司都指揮使 壬申谷王穗之國

長沙 寧夏何福奏屯田韃軍內選驍勇者免徵稅租令操習聽

調河州產馬購其良者把隘軍士宜給皮裘狐帽 癸酉韃靼脫
脫不花驢驢來歸賜衣鈔絲幣居之京師 復設四川建昌衛中
前中中二千戶所鹽井衛中右中前中後中中四千戶所冕寧衛
中左五千戶五千戶所會川衛前越嶲衛左右千戶所 乙亥復
盧淵兵部左侍郎 兵部右侍郎師遠吏部右侍郎 貴州都指
揮張忠謫寧夏 左軍都督僉事徐凱卒 丙子設南海衛衛城
西水驛 鑄內府午門東西華元武門關防條記 戊寅改周王
府於洛陽 復設大寧營州興州三衛凡各衛官軍先調遼東等
處及在京并有坐事謫戍邊者皆令復原衛屯田 是月復置緬
甸軍民宣慰使司

十二月復置木邦孟養軍民宣慰使司

永樂元年正月壬辰命保定侯孟善鎮遼東節制遼東都司所屬軍
衛 丙申遼東送至寧夏小卒許善才 庚辰勅諭中外羣臣

辛巳罷浙江松陽縣銀坑 甲申復前應天尹向寶官 丁亥陳瑛左都 調營州三護衛官軍赴京 辛卯以北平爲北京 甲午諭馬政宜爲定制 丙申改寧夏左右護衛爲寧夏 衛寧夏中衛 甲辰設普安撫司置流官吏目一隸四川布政司復設古州龍里 十四蠻夷長官司隸貴州 乙巳諭禮樂制度遵舊制

二月戊申左軍都督僉事山青卒 庚戌設北京留守行後軍都督

府北京行部國子監北平府爲順天府行太僕寺爲北京行太僕寺革北平布政按察都司等衙門刑戶部之北平清吏俱改北京清吏司北平道爲北京道 行都督府置左右都督都督同知都督僉事無定員首領官經歷都事各一行部置尙書二侍郎四所屬六曹吏戶禮兵工五曹清吏司郎中員外郎主事各一刑曹清吏司郎中一員外郎二主事四照磨所照磨檢校各一司獄司司

獄一國子監署祭酒司業監丞各一典簿一博士學正學錄掌饌
各一助教二順天府北京行太僕寺官制如舊以燕山左右前大
興左濟州濟陽真定遵化通州薊州密雲中後永平山海萬全左
右宣府前懷安開平開平中興州左屯右屯中屯前後屯隆慶東
勝左右鎮朔涿鹿定邊玉林雲川高山義勇左右中前屯後神武
左右中前後忠義左右中前後武功中盧龍鎮虜武清撫寧天津
右六十一衛梁城興和常山三千戶所俱隸北京留守行後軍都
督府 辛亥郭資維僉爲北京行部尙書 四川安岳縣知縣康
汝楫按察司僉事馬京左侍郎 劉翼南李昶右侍郎 乙卯命
監察御史分詣各布政司巡視民瘼 丁巳鎮守遼東左都督劉
貞奏虜寇攻懿賢寨三晝夜破寨柵官軍與戰頗不利旣而寇引
去 己未改寧王府於南昌 遣使齎書諭韃靼可汗鬼力赤

甲子武定侯郭英卒 乙丑韃官伯帖木兒等自塔灘來歸至寧

夏 丙寅修京師通濟橋 改南昌左衛爲南昌護衛 營州左
右護衛爲隆慶左右衛中護衛爲寬河衛 戊辰左軍都督僉事
徐吉卒 己巳禮部言北京郡縣學校近廢於兵俟永樂三年仍
舊鄉試 改寧夏右衛爲慶陽衛 己巳禮部言去年鄉試有未
舉行者請以本年秋八月令應天府及浙江皆補試 甲戌命高
煦往開平操備 乙亥雲南曲靖開中鹽糧仍舊開中

三月己卯前北平按副王禮戶部右侍郎 庚辰遼東都指揮同知

沈永有罪伏誅先是虜寇侵遼東三萬衛永不能追襲又匿不以
聞及來朝復隱不奏上以其瞞蔽誅之令兵部榜諭天下都司軍
衛 壬午改北平行都指揮使爲大寧都指揮使司設保定左右
中前後五衛俱隸大寧都司調營州左屯於順義右屯於薊中屯
於平峪前屯於香河後屯於三河設左右中前後五所復設東勝
中前後三所於懷仁等處守禦 大同諸衛軍士屯田各存守城

軍八百 丁亥平九門功王福爲遼東都指揮使孫得旺爲遼東都指揮僉事張思孝郭成劉青郝聚趙全丁成李順俱爲遼東都指揮同知宗大於全秦寬徐中陳聚俱爲遼東都指揮僉事 戊子命平江伯陳瑄充總兵官帥舟師海運糧餉往遼東 栗彪爲遼東都指揮僉事 乙未周信爲遼東都指揮同知 庚子顧成言普定衛額輸秋糧令仍舊運輸普定

四月戊申指揮同知朱來興爲遼東都指揮同知 己酉以北京粟貴令鹽糧減價中納 庚戌遣鎮撫答哈帖木兒等齎勅往瓦剌 戶部右侍郎王禮卒 乙卯革東昌府崇武驛 丙辰通政司左參議李文郁爲戶部右侍郎 浚松江運鹽河 右副都御史黃信誅 壬戌朝鮮遣李貴齡等貢方物 乙丑以鈔法不通禁金銀交易 丁卯鎮守大同吳高奏所轄之地西北接東勝黃河宜自下水海北直抵把撒站皆分戍巡邏 設溧水縣廣通閘壩

置壩官一

五月辛巳命福建都司造海船三十七艘 升必里千戶所爲必里

衛海寇至福建金門所生擒賊首金總管 設北京社稷壇祠祭

署置奉祀祀丞各一 北京行部張執中爲應天府丞 甲申封

袁容廣平侯李讓富陽侯 乙酉鑄北京行部諸司印 改越嵩

叩部州爲叩部長官司流官吏目仍舊 前北平 參議成

璉卒 丁亥封李彬豐城侯陳懋武義伯王友清遠伯陳賢榮昌

伯張興安鄉伯陳志遂安伯 招撫柳州上林等縣獐民復業

壬辰令蘇州鎮海二衛士以其半守護倉廩其半增添舟船鎮守

海口衝要之處 甲午臨清會通稅課局免徵二年但經兵處俱

準此例 革大興宛平學以大興縣學爲順天府學 乙未追封

郭英管國公 勅諭兀良哈官軍人等曰朕嗣位之初已嘗招諭

爾衆後遼東守臣言爾等俱欲來朝今遣指揮蕭尙都鎮撫劉忽

魯禿百戶和尙往諭朕意但來朝者悉授以官俾仍居本地歲時貢獻經商市易一從所便前阿哥占都海帖木兒納哈出來寇廣寧守臣擒送至京朕矜其遠人且各有父母妻子之思曲宥其死就令尙都等送還并諭爾知之 諭建文中除授升調官員曾犯黨逆者發原配所非犯黨逆而經黥刺者罷遣爲民 是月女真野人頭目買里的平住等二十九人來朝 丙申置北京義勇後神武中忠義中隆慶四衛經歷司經歷各一 以太祖皇帝實錄將成預定賞格 鎮守遼東保定侯孟善奏太僕寺少卿祝孟獻往朝鮮市馬千匹已至遼東上命盡以給遼東軍士之戍邊者 戊戌遣行人往四川陝西禁約私茶 己亥諭守城功前北平左參政孫瑜戶部左侍郎 按察使喬穩兵部左侍郎 前北平右布政曹昱爲山東右布政 癸卯勅北京行部八府之民宜厚撫綏未復業者悉使招撫復業 甲辰諭天下諸司有司合行事務

不許一概啟請不待報而擅承行者論以重罪 乙巳賜東寧衛

千戶王得名鈔百七十二錠絲幣七表裏紗衣二襲得名先往朝鮮招撫遼東散漫軍士復業來歸者萬五百二十五口故嘉之

六月丁未王鈍言軍士年六十上老疾者宜遣還鄉令壯者代從之

庚戌戶部致仕尙書王鈍言一種田囚人宜不分籍貫於保定

真順天等屬州縣先近後遠安置 一軍人冬衣布花當趁時僭

運依期給散通州迤東驛分馬少宜令北京行後軍都府及遼東

都司於附近衛所每站撥馬十匹益之從之 壬子代王桂有罪

削三護衛 癸丑遣御史袁綱等分往直隸浙江撫安軍民 丁

巳上太祖高皇帝孝慈高皇后尊諡 戊午頒詔天下 庚申增

設莊浪衛通遠驛并通遠遞運所 辛酉監修國史李景隆等表

進太祖高皇帝實錄 壬戌改築湖廣江華所於城北 丁卯北

京行部添置戶曹清吏司主事三 泉州衛金門所送所獲海島